

唐长沙派

景达，字敬远，家长沙。仕南齐，累官至大夫。在长沙为显祖。文忠谱以之为始祖。子宝，字仕章，棲迹衡门，不求闻达，为当世儒宗。著五经义疏及史籍难疑，悉皆精剖；撰尚书异同三卷。後为南齐屯骑校尉，迁荔浦县令。子三，长颺次盛、次邃，盛邃不显，颺字世靖，性质直有理思。以言行著於岭表。累积财货，悉让诸兄弟，屡召辟不就。结庐於湘州麓山寺傍，专精儒业，通群书，撰友弟论三十卷。年三十，兄弟逼令从官，强仕梁为直阁将军。寻迁始兴内史，梁元帝以始兴郡为东衡州、以颺为刺史，封新封县伯。时、侯景既平，元帝徧问朝宰、各举所知，群臣未对。帝曰：“吾已得一人矣。欧阳颺公正有匡济才。乃授武州刺史，散骑常侍。寻授郢州刺史，改衡州刺史，进封始兴县侯。复事陈，因与武帝有旧，授南安将军衡州刺史，复封始兴县侯。进封平越中郎将，广州刺史。永定三年，加封开府仪同三司征南大将军。初，交州刺史袁晁，密以金五百两寄危，令以百两还合浦太守龚焉，四百两付其子智矩。人弗知之，颺前在始兴为广州刺史萧勃，所破资财并尽，惟所

寄金独存，晷缓亦寻卒。至是危并依信还之，时人莫不叹服。时危合门贵显，威振南土，颇有军国功。天嘉四年薨。赠司空，谥“穆”。夫人兰氏生二子，纘，约。纘字奉圣有干略，袭父爵，为广州刺史。在州十余年，惠著於南越，封渤海郡公。史记举兵攻衡州事不及载，纘子四，询、亮、德、器，询字少信，少孤。江总以故人子私养之，自幼敏悟绝人。总教以书，每读辄数行目尽。遂博贯经史，陈辟为司空。东阁祭酒，五礼学士。陈亡，入隋为太常博士。唐高祖微，时数与游。既即位，累擢给事中。公素工书翰，飞白尤妙。初效羲之书，後健劲过之。因自名其体，尺牋所传，人以为宝。高丽遣使求之，尝见索靖所书碑，观之去，数步复返，及疲遂布坐，至宿其傍，三日乃得去。其所嗜类如此。贞观初，历太子率更令。宏文馆学士，银青光禄大夫。唐太宗时，置宏文馆於宏文殿侧精选文学之士，欧阳询同虞世南、褚亮、姚思廉、萧德言、蔡允恭等，入宿直厅。朝陳商确政事，或至夜分乃罢。太宗宠遇甚至。乃令中书韩约尚书高士廉等遍访袁、吉、衡三州欧阳氏宗派。自晋时渡江同是一宗，撰成谱表、贞观三年敕付询，并状申上京师，用传不朽。今各谱刻存，即文忠公谱之根源，後人得所考据也。又奉诏书九成宫醴泉铭碑，字体清劲，

至今传於世。并撰有艺类百余卷，及诸碑碣甚富。封渤海男，食邑五千户，赐紫金鱼袋，赠越州都督。卒年八十五。敕葬长沙之临湘乡书堂山。夫人徐氏生三子肃、信、通。肃信不显，通字通师，拜兰台郎。迁驾部司勋郎中。仪凤中，迁中书舍人，怀州刺史卫尉卿，居母丧，诏夺哀。每入朝，徒跣入门。夜直藉藁以寝，非公事不语，还家辄号恸。年饥未克葬，居庐四年不释服。冬月家人以氈絮潜置席下，通觉即撤去。累迁殿中监兵部尚书太常卿，刑部侍郎，金紫光禄太夫，封渤海子，同中书门下平章事。复转司理卿判纳言事，辅政月余，会则天武后欲废中宗立武承嗣为太子，与岭长倩等泣谏进折邪之说，请立睿宗为太子，不从被杀，极惨毒无异词。神龙元年诏追复官爵，还家产，特立庙祀。荫一子，官继嗣。通早孤，母徐教以父书。惧其惰，尝余钱使市父遗迹，通乃刻意临倣以求，售，数年书亚於询。父子齐名，号大小欧阳体。晚自矜重，以狸毫为笔，覆以免豪，管皆犀象，非是未尝书。夫人胡氏生二子，幼明、幼让不显。幼明字仲廉。少得祖询之妙墨。因事斥竄，年十九而卒。夫人陆氏，生子昶，字景。制授邠王府参军，申王府率更令，历常州、苏州长史，太子文学，石州别驾，以海盗吴令北畔，特授长州别驾，兼权知采访留後

事、中散大夫，袭渤海开国子爵。自质居长沙，延及十数世，犹以渤海为封望。故询之旧谱仍以重合县都寿乡仁桂里为著定者，因其旧也。昶二子璟琮。璟字崇文，官至福州侯官县令。琮於唐元宗天宝时，以劳定国由长沙擢为吉州刺史，有功德於民。人怀其德，不忍其去，遮道留之，遂居於吉，子孙因家之。卒葬袁州之萍乡。庐溪石羊狮子冈，是为吉州初祖。